



Broj/Број: 01/6-50-1-8-11/08  
Sarajevo/Сарајево, 28. 7. 2008.

## ZAPISNIK

### 11. sjednice Komisije za ostvarivanje ravnopravnosti spolova, održane 28. 7. 2008. godine

11. sjednici Komisije za ostvarivanje ravnopravnosti spolova (u daljnjem tekstu: Komisija), održanoj 28. 7. 2008., s početkom u 12,30 sati, prisustvovali su članovi Komisije: Vinko Zorić, Jovan Todorović, Rifat Dolić, Mirjana Malić, Halid Genjac, Remzija Kadrić i Jozo Križanović. Odsutni su bili Sead Jamakosmanović i Savo Erić, koji je najavio odsustvo. Sjednici je prisustvovao i sekretar Komisije Davorin Semenik.

Za sjednicu je usvojen sljedeći

## DNEVNI RED

1. Usvajanje Zapisnika 10. sjednice Komisije;
2. Informacija Agencije za ravnopravnost spolova BiH o toku izrade Strategije prevencije i borbe protiv nasilja u porodici, nasilja po osnovu spola, seksualnog uznemiravanja i uznemiravanja u BiH;
3. Pripreme za posjetu Odboru za gender pitanja Parlamenta Kraljevine Švedske;
4. Informacija sekretara Komisije o pripremi publikacije o parlamentarnoj dimenziji kampanje Parlamentarne skupštine Vijeća Evrope u borbi protiv nasilja nad ženama, uključujući nasilje i porodici;
5. Ostala pitanja.

### Ad.1. Usvajanje Zapisnika 10. sjednice Komisije

Zapisnik 10. sjednice Komisije usvojen je jednoglasno, bez primjedbi.

### Ad.2. Informacija Agencije za ravnopravnost spolova BiH o toku izrade Strategije prevencije i borbe protiv nasilja u porodici, nasilja po osnovu spola, seksualnog uznemiravanja i uznemiravanja u BiH

Članovi Komisije su uz poziv dobili pisanu informaciju Agencije za ravnopravnost spolova BiH u kojoj su predloženi razlozi za donošenje ovog strateškog dokumenta, kao i hronologija njegove izrade, u kojoj su iz ove Komisije učestvovali Mirjana Malić i Davorin Semenik. Sekretar Komisije objasnio je formalne razloge zbog kojih još uvijek dokument nije završen, a to je procedura nominiranja članova radne grupe od strane njihovih institucija, što je sada obavljeno, te je Vijeće ministara BiH donijelo odluku o imenovanju, čime je dokument dobio i formalnu verifikaciju, pa će njegovo prvo prezentiranje biti na planiranoj tematskoj sjednici ove komisije nakon ljetne pauze.

U raspravi je Jozo Križanović komentirao informaciju i predložio da se u nazivu Strategije pojam „uznemiravanja“, kao širi pojam stavi ispred „seksualnog uznemiravanja“, da rok za primjenu bude pet godina, te da se posebno apostrofira domaća kaznena politika, odnosno krivično zakonodavstvo kao dio domaćeg pravnog okvira za izradu Strategije.

Zaključeno je da naši predstavnici ove primjedbe u radnoj grupi iznesu tokom rasprave u radnoj grupi, a da one mogu biti prezentirane i na samoj tematskoj sjednici Komisije o ovom dokumentu.

### **Ad.3. Pripreme za posjetu Odboru za gender pitanja Parlamenta Kraljevine Švedske**

Predsjedavajući Komisije ukratko je podsjetio na dosadašnje aktivnosti u Komisiji na pripremi posjete Parlamentu Kraljevine Švedske, te da bi danas trebalo imenovati šestočlanu delegaciju koja će u septembru realizirati ovu radnu posjetu.

Nakon konsultacija, u delegaciju su imenovani: Vinko Zorić, Mirjana Malić, Remzija Kadrić, Halid Genjac, Savo Erić i Davorin Semenik.

Zaključeno je da se našem domaćinu predloži da početak posjete bude 22. ili 23. septembar, te da sekretar Komisije nastavi s pripremama.

### **Ad.4. Informacija sekretara Komisije o pripremi publikacije o parlamentarnoj dimenziji kampanje Parlamentarne skupštine Vijeća Evrope u borbi protiv nasilja nad ženama, uključujući nasilje u porodici**

O pisanoj informaciji sekretara Komisije, kojom je konstatirano da su obavljene sve pripreme za štampanje publikacije, obavljena je rasprava, nakon koje je informacija prihvaćena i zaključeno da predsjedavajući Komisije uputi zahtjev sekretaru Zajedničkih službi PSBiH da se odobre potrebna sredstva za izdavanje publikacije.

### **Ad.5. Ostala pitanja**

U okviru ove tačke sekretar Komisije upoznao je prisutne da nije upriličen susret s Gender komisijom Parlamenta FBiH zbog nemogućnosti usklađivanja termina, te da će susret biti realiziran nakon godišnjih odmora, što je i prihvaćeno

Nakon što je realiziran dnevni red, sjednica je završena u 13,10 sati.

SEKRETAR KOMISIJE

Davorin Semenik

PREDSJEDAVAJUĆI KOMISIJE

Vinko Zorić